

書

大唐開元占經卷之八十三卷

客星犯石氏中官

石氏曰客星干犯軒轅近者誅滅宗族王者以赦
除咎 有星入東陵有夷從外來降者

郝萌曰客星入軒轅有遠來者若女子惑天子者
荊州占曰美人有經死者

焦延壽曰青黑出入軒轅皆為諸夫人有子不成
司馬彪曰客星出軒轅后宮失勢

郝萌曰客星舍軒轅之旁美女有懸死者

客星守軒轅女主不安一曰有憂

荊州占曰獄中有女子飲藥死者

洛書曰客星出若守之各隨其所守后妃嬪夫人
近者當之守之三日美人有經死者

石氏曰客星出軒轅若犯守之發五將之兵他星
守之所起者有憂

齊伯曰客星犯守軒轅大星女主逆天子若女主
與傍人通宜防之

客星犯軒轅美女枉死若逼近天子謀滅宗族

石氏曰客星干犯少微有白衣之會王者凶術士
不顯智者逃亡期三年

客星入中犯乘守少微五官乱宰相有憂

客星出少微道術之士用之或工巧之人用之
一曰有方伎之士以術道媚于天子者

郝萌曰客星守少微處士憂

黃帝曰客星入犯乘守少微宰相易女主憂之

郝萌曰客星犯太微中犯左右執法執法者誅若
有罪

客星出太微天庭有苛令

陳卓曰客星出太微天庭有兵喪

黃帝占曰人主憂臣謀及兵起宮中

郝萌曰執政臣有戮者

海中占曰兵大起大水入城郭若有所犯守各以其所中者占之

黃帝曰客星入太微端門出西門天下大水民飢
石氏曰入端門其国有臣謀入端出東門天下大旱五谷不成

甘氏曰客星入端門仍出端門其国有大患天下

大亂易主以色占之出左掖門其国有憂出東門

大旱出右掖門其國大亂出西門其國大水

郝萌曰有星入端門賊賊主祿王命

石氏曰客星入左掖門出右掖門其国有喪

入左右掖門而出東西門國有大喪貴臣有死者

甘氏曰客星入太微右掖門出端門小國亡出左

掖門其國有小事出東門其大國亡仍出右掖門

其國有客為刑事出西門大國以微亡

荆州占曰客星入左掖門出端門其国戒亡仍出左掖門其国大傷出東門其国大喪出右掖門其国大逆無道出西門其国流血百里

石氏曰客星入東西門出左右掖門其国有兵軍有出者幸臣有憂皆不出一年

甘氏曰客星入東門出端門其国有憂出左掖門其国所作不成仍出東門其国有臣結謀出右掖門其国敗亡出西門其国有殃

荆州占曰客星入東門出東門其国有大喪

黃帝曰客星入西門出東門其邦兵起臣謀主入東門出西門其国以微亡守之不去楚國凶殃甘氏曰客星入西門出端門其国大乱出左掖門臣不為用出東門其国不祥出右掖門其国大敗仍出西門其国有兵

郝萌曰客星入西門出端門又云出左掖門其歲五穀不登入太微西門出東門有憂喪

他星入太陰門后宮有賊

荆州占曰入太陰西門出太陰東門其国有大水天

下大乱入太陰門兵起天下入西門出西門国有
兵謀

陳卓曰客星入太微帝宗后族為乱亡社稷
帝覽嬉曰客星入太微廷中出端門天下大乱王
者憂国易政期三年

晋安帝元興元年十月有客星色白如粉絮出太
微垣西至十二月入太微占曰兵入天子廷二年
十二月桓玄肆逆篡有極位

石氏曰他星入太微白色而澤者有赦

客星入太微宮二旬若三旬有小赦期六月

他星入太微輔臣為乱

海中占曰客星入太微中火大起有客賊來入国
守三十日不去其灾成在陽為男在陰為女主不
出四十日

郝萌曰赤黄星状如帚樣其色潤澤入於太微天
子納美女之喜出太微天子賜諸候姜女者

客星入天子廷丞相憂疾入十日而成勾己天下
有大赦若奴婢下賤之人妻妾長庸之輩期半年

荆州占曰客星入太微廷中一旬宮中有自殺者
期四十日在陽為男在陰為女陽黃座南也陰黃
座北也入二旬有赦期六月

奇星入太微有客來 星正赤入太微中兵起

陳卓曰客星入太微中者宗廟有兵

荆州占曰黃星潤澤入太微中天子有喜以其所
抵率言座星也如劍者男子喜

客星入太微廷中有一星天子出將兵有二星天
下無處主有三星天下散亡

玄冥占曰客星入天廷中帝宗后族為亂欲謀殺
主宮門有伏兵期三月

荆州占曰赤星出庭中有立王若從王又曰火起
赤黃星出太微中天子用金錢賜諸侯王

星黃如數出太微天子用畜賜諸侯王

數也此皆客星之意也

數者氣類

若有星如拳正圓出太微中天子用璧玉賜侯王
黃帝曰凡客星出入太微各以其日占之知其國
所出皆不出百日中一年遠三年其應必災

客星出入太微人主有憂大臣為謀有反者兵起
宮中一日執政臣有戮者期一年

海中占曰客星入太微天下大亂兵大起臣謀其
主不則天下大水入城廓落殺人民期一月

荊州占曰客星出入太微大水入城傷人民期三
十日 又曰天下有聖女子在燕代

客星舍太微南藩留不去魯有謀者舍西藩留不
去王者泄妖言在楚國

郝萌曰客星中太微宮者不出三十日

又云三日必有大赦

黃帝曰客星守太微東藩若西藩將相星者皆為
人君有憂

石氏曰他星守太微宮臣煞主

玉曆曰客星出太微犯守將相左右執法隨其所
守犯皆有誅期二年

甘氏曰太微中有一客星天子自將兵有二客星
天下亂民走散有三客星天下大亂守之三十日
君死國亡近期三年遠五年

客星入太微犯黃帝座文耀均曰天子有憂臣謀
主至座而還謀不成反受其殃若守犯三十日已
上臣謀以成期不出年

客星入太微有內亂兵起近西為相近東為將

荊州占曰客星舍五帝座有聖人與君並治在蜀
秦

石氏曰蒼白星抵座天子有喪憂抵座傍有反臣
有赤星銳如劍抵帝座天子以兵驚一日災驚
郝萌曰黑星抵留帝座星者天子惡之

荊州占曰黑星抵帝座左右傍大臣有死者黃白
星大如拳正圓抵座傍者臣工有敵美姜人女子

幽明錄曰漢武帝常微行過主人家家者之婢因
色帝悅焉因留宿夜與婢卧有書生者亦家宿之
善天文忽適客星犯掩帝座甚逼書生大驚懼之
連呼咄咄不覺聲高仍見一男子操刃將欲入戶
聞書生聲急謂為已故逆縮走客星應時即退帝
聞其聲異而問之書生具說所見乃悟曰此人是
婢婿將欲肆其凶於朕乃召羽林語主人曰朕天

子也於是擒逆而誅之厚賜書生

後漢書曰嚴遵字子陵會稽餘姚人也世祖為書生時與遵遊學及即位召見遵遵長揖不拜上留遵俱寢遵以足加世祖夜有客星犯於帝座明晨太史奏其異詔曰朕與友人嚴遵同榻而卧也客星犯四帝座巫氏曰輔臣有乱或有反者

一曰左右輔臣有誅期百八十日

客星中犯乘守屏星輔臣有誅若黜者

一曰君臣失禮輔臣有諫而被貶黜之者

內屏四星在太微門中

黃帝曰客星入即位大臣為乱 石氏曰多死者

陳卓曰客星中犯即位大臣失勢

荊州占曰色赤兵起若大憂出即位多用兵遠出者黑星入即位多有罪者蒼白星入有乱者

蒼白黑星出即位多死者

荊州占曰客星入中即位大臣為乱戒之左右客星守即位其將憂也

玉曆曰客星出即位守衛臣有謀者人主有憂將相有誅者一曰外夷有反者期二年

荆州占曰他星入即將大臣乱政不行

黄帝曰客星色青黑番夫不死則免黃則遷白

賜則受

石氏曰客星守即將大臣為乱

甘氏曰客星出即將輔臣有誅將相有罪若有黜

者期一年入犯守之將有誅

石氏曰他星犯常陳王者憂之近半年遠二年

聖治符曰客星出常陳守衛者兵起有誅若左右

兵起王者憂之期不出年

石氏曰黃白星入三能貴人有賜爵者

郝萌曰客星出三能者爵令行

蒼星出三能者貴人奪爵

客星舍三能左右群臣有不正者露當降也舍留

十餘日不去王候有不通者深渠當修城郭皆决

三能之過也

三能三衡三奇三公皆三台之名也

黄帝曰客星入三台若守之大臣多戮若貴人多

病瘡疫者

帝覽嬉曰客星出三台若守之主誅大臣貴人有

死者不出百八十日

郝萌曰客星守天柱大人戒左右趣治弓弩有兵
若犯守之有兵喪一日水為災害

客星犯天柱國中有賊又曰大臣為變欲危社稷
客星守天柱人主從其官君臣皆有憂

若守之三十日以上不去作亂者事成

石氏曰有星入司命色蒼民憂喪黃白潤澤婦女
多傷黑色嬰兒多死

即司命內

甘氏曰客星入近臣抵罪者色青有憂黃白無故
黑色死亡

石氏曰蒼星出司命王者病死

青黑星若入司命中和人有出者

有星入司祿色黃若白近臣有賜爵者出司祿色
青近臣有抵罪而走者黑則死

有星入司祿大臣爭榮

客星干犯相星 陳卓曰輔相有憂不出其年天
下變更其令民多移徙有星入天牢

黃帝曰鉄鎗用諸侯有獻地者

出天牢王賜諸侯地色青皆以兵黃白皆兵

一曰星出南而為獻地

海中占曰客星入天數有德令

剗萌曰有大星入天牢有赦期二十日

客星入天牢必有戮卿

荊州占曰貴人有繫者有戮君又曰其國得邑土
出天牢為亡土也

客星守天牢鉄鉞用以其初守日占國

石氏曰有奇星守天牢二十日已上天下大赦一
年大魚死一曰人相食

巫氏曰客星出天牢若守之有貴臣多下獄者期
不出一年

郝萌曰常以五子曰候天牢中有變星期不出十
日有赦

石氏曰客星犯文昌輔臣有殃出之其國君失政
郝萌曰客星犯文昌大臣謀叛宮中有兵
客星入文昌有女子惑天子者

文耀均曰其國失政人主有憂臣受其殃
客星守文昌有兵君不安

黃帝曰有星入將星色蒼將有憂

一曰有抵罪其色黃潤將受爵色黑者將死

有大赤星入將星提鼓之將有驚

有星入相星色黃若白皆為故臣有賜爵者白近

臣有抵罪者黑色近臣死出司命色赤王者疾困

郝萌曰客星出司命有如命於群生又有下命者

石氏曰有星入司命中為內亂

黃帝占曰色蒼近臣有憂又曰近臣有棄捐者

荊州占曰有賊

郝萌曰青黑星入司中和人有入者出司中和人

有出者入司祿色青黑近臣有奪爵者

客星出司祿有下賞者

石氏曰有星入司祿中色黃若白近臣有賜爵者

郝萌曰客星入北斗魁上若下色青黑人主大憂

赤有大客境外與中國爭兵黃白人主有賀期六

十日或百二十日人主宜避舍東方十日而賜功

應之

有星入北斗魁中大人有繫者 又曰人主左右

有囚者色黃白無故色青黑有憂死不走出赤斬
荊州占曰有星出庭入北斗魁中二千石貴人有
繫者色青憂黑死有殺戮事

天星入北斗貴臣有誅者若繫者

黃帝曰客星出北斗魁中天子自將兵國憂傾危
社稷不安民多苦期一年

石氏曰有星集北斗傍下入斗中名貴人有憂以
五色占之

郝萌曰有星北斗魁之下有彗星大大彗星小小

彗期九十日

齊伯曰客星出北斗旗間兵大起車騎行若貴臣

有誅人主憂

旂者紫微宮北斗兩間也

海中占曰客星出入北斗天下大亂兵大起臣伐
主不則天下大水入城郭殺人民期百日

郝萌曰期三十日

有客星離北斗柄中央色青相有憂赤者兵事黃
白有彗若相遇賊黑者死

甘氏曰客星見北斗魁中色赤楚當之青齊當之

黃衛當之黑燕當之白秦當之各以五色知其分野以辨吉凶

荊州占曰有星見北斗魁中有死者色赤楚君當之變星見北斗魁中天子當之

石氏曰大星去北斗如赤鳥其頭黑天下有兵甄耀度曰客星居北斗傍帝王有憂若有不臣者兵大起士卒用各以五色占之去北斗一尺期一年二尺期二年

郝萌曰客星守北斗天下必有大事若大變守斗後道不通大水守七星人君大變一云有憂

荊州占曰正星大人遇賊出正星為政者易抵正星有客至色青以禽獸為常黃以後羅為常正星上下左右以馬牛魚鹽為常色黑左右以五谷為常

客星出伐星天子與蠻夷和親入伐星蠻夷以水兵至

客星入法星人主凶出法星人主當之

郝萌曰客星入令星執法令者死出令星執法者

見逐于諸侯

有星抵伐星而入之者人多死抵伐星有光女主疾有光而環伐星者人君疾

郝萌曰客星入殺星大臣主馬者死期一旬有星若出煞星大臣走

荊州占曰有星入危星其國易政出危星天子出令不行

客星入部星諸侯兵起子攻父弟攻兄

有客星入輔星有善令色青相有罪若免赤色相

受兵若將兵色黃白相有賜若有喜黑相死若免玉曆曰客星犯紫微宮有大喪若守之十日已上災必應期百二十日

石氏曰客星入紫微宮天子有急兵起宮中必有死主者若有逃走之主期不出百八十日

荊州占曰客星入紫微宮國有大變
一曰為兵起主憂得地

赤星入紫微垣中天下亂又曰天下無人兵入天子之都其中列大人多死罪者入其旁有亂臣

黃星入紫微宮人主益地天下有喜期十月

赤星若黑星入紫微宮從其陽入有客兵期六指
日並從其陰入有走王

客星出紫微宮天下大乱臣弑其主王者有憂國
有大變期不出年

石氏曰客星守紫微宮臣下殺主若有星如拳正
圓及如毬狀出紫微垣天子用璧玉賜諸侯王

荊州占曰客星在旗間車騎起

漢孝昭帝元鳳四年九月客星在紫微宮中樞机

間後二年帝崩

宣帝黃龍元年三月客星居王良東廣可九尺長
丈餘西指出閣道間至紫微宮其十二月宮車晏

駕

孝章帝元和元年四月丁巳客星晨出東方在胃
入度長三尺歷閣道入紫微宮留四十日滅閣道
紫宮天子之宮也客星若犯謂之大喪四年帝崩
石氏曰客星入北極天下道塞

黃帝曰客星出北辰天子出德令安天下

赤星出北辰天下兵交盈野王崩

郝萌曰客星出北極所之國大敗四方皆然

石氏曰他星見北極帝王驚宗室亂王者修郊祀
奉宗廟大赦天下則災消

荊州占曰客星舍北極四夷若胡王有喪

一云客星若赤星守北極樞星有兵聚一國有更

君易幣

石氏曰客星守北極大臣誅之國有大喪

客星出北辰犯守大星天下道塞兵大起臣欲謀

主兵聚一國人主有變期不出年

黃帝曰客星犯乘守北辰主星大人當之

一曰有大喪 又曰有反者

荊州占曰客星犯乘守太子星太子有罪若死者
犯乘守庶子庶星子有罪死者

石氏曰赤星入勾陳兵內亂司馬戮死出勾陳大
戰有功

黑星入勾陳大司馬溺軍中

黃白星入勾陳將者不戰兵去外羅

蒼白星入勾陳大司馬有喪出勾陳軍破將有憂
荊州占曰赤星入勾陳必有迫劫其主者

客星入勾陳正妃國有大憂 陳卓曰有大喪

客星入勾陳黃龍之位有后妃臣煞主

齊伯曰客星出勾陳國有大變后妃有憂若女主
有黜者不出一年

石氏曰客星入鈎陳若犯之宮中有變臣執主王
者有憂

荊州占曰客星入天乙五谷大貴

甄曜度曰客星出天乙太乙五谷貴人民飢旱災
黃帝曰他星歷天乙則宮門閉王者因不安近臣
乱不出三年

甘氏曰客星守天乙人君納佞棄忠臣子二心以
亡其國

客星守太乙兵大起天下大旱且大水米貴民飢
疫癘流散

大唐開元占經卷之八十三卷終

大唐開元占經卷之八十四卷

客星犯石氏外官

黃帝曰客星入天庫兵起以飢

石氏曰他星入天庫糴大貴為後年

天官書曰邊郡之兵起此為外夷之事

郝萌曰客星犯天庫五穀大貴入庫中糴石百處
其傍石五十

客星入天庫牛馬有行兵起十年亂

荊州占曰客星入天庫有發行

黃帝曰客星出庫樓兵車用若守之邊兵大起庫
兵出車騎行期二年遠三年若入乘守之兵車用
荊州占曰客星入若守庫樓外夷兵起官兵憂
客星入庫樓飢兵起一日邊郡兵起天子有事于
夷一日夷兵起官兵有憂

客星犯庫樓五谷天貴入中其糴石百處其傍糴
石五十民人以飢亂

石氏曰客星出南門若守之關梁塞道路不通人
民憂

南門中有小星三芒者則兵車出

漢孝靈帝中平二年十月癸亥客星出南門中大
如半筵五色喜怒稍小至後年六月乃消占曰兵
至六年袁紹誅滅中官

石氏曰客星出平星賦歛之臣有憂庫吏不忠有
廢黜者若聚斂臣有罪過期百八十日

玉曆曰客星入騎官有喜出騎官若守之有兵起
將軍有出者

石氏曰客星守騎官將出有憂

荆州占曰士卒發用

石氏曰客星守積卒主兵臣有誅

客星入積卒主兵之臣有憂

一曰兵士為亂近臣有謀受誅士卒多死

郝萌曰客星入龜星天下倉粟大發小夏無傷也

甘氏曰客星出危星珠玉貴寶物不入若守之君

臣不和上下乖離

客星出杵星若守之天下兵起有稅粟米之事

海中占曰客星入建星年谷熟

一曰君不親本臣上下相疑主令不行

一曰大水橋梁不通

客星犯守建星天子有失道之行忠言者誅

荊州占曰賢人不用一曰賢士逃亡

海中占曰客星出建星有兵在外大戰君臣不和

客星未舍建星留而不去有兵起馬大貴

流星入建星關梁不通兵起四塞民多盜賊不出

三年

乙巳占曰天下有謀色赤者昌

彗孛犯建星天子失道忠臣誅死賢士逃亡
彗孛出建星多盜賊道路不通子伐父弟伐兄有
大兵

郝萌曰客星入天濶上溺不蒙

黃帝曰客星入九州殊口九州民憂水守之大凶
郝萌曰客守殊口負海國不安兵起

客星入天節胡王死犯之同

荊州占曰守天節臣有憂

客星守九旂諸侯兵起禽獸多死

荊州占曰

客星守軍井以水

為憂

黃帝占入守之天下大水

荊州占曰客星守水府江河決溢

郝萌曰有星入水府天下洪水

黃帝曰客星入天相中國多大暴風雨北夷人飢
未降

荊州占曰客星出天相天子有變令入之相臣憂
客星入天狗有暴風急雨多土工北夷大飢未降
客星守天狗守禦之臣作亂

郁萌曰客星犯丈人民臣情不通

黃帝曰客星入天社有祀事於國內出天社有祀事於國外 犯之稷社危亡

荊州占曰客星守天紀國政亂

甘氏曰客星中犯乘守天有白衣之會亦為祠官有

憂若犯守之軍道不通一日有兵馬多死

甘氏曰客星入東甌其君操金玉來下國中

客星犯巫咸中外官

赤星入長垣胡人大恣

荊州占曰客星犯守軍門軍道不通

客星出陽門夷狄犯塞入陽門主兵藏

客星守鉤星其鉤直者則地動

客星守天樛則漏刻失時度數改

荊州占曰客星守天淵天下地動水出海魚出水

與城平人民死大半

郝萌曰客星入天天壘城北夷王且操騎馬入

國中

黃帝占曰客星入鈇鉞外兵擒殺其將士卒亂傷

郝萌曰鈇鉞用以入日占其國若外國未降者

客星犯守鉄鉞皆為將軍有憂

有星入鉄鉞有未獻地者出鉄鉞則獻地諸侯色

青皆以憂赤有兵黃皆吉

黃帝曰有大星入天廐馬有驚

郝萌曰入廐車馬出行

客星入天廐不滿三日馬為之賊滿三日而去有

殺

黃帝曰客星出若守之廐有驚之事

大唐開元占經卷之八十四卷終

大唐開元占經卷之八十五卷

妖星占

妖星所主

黃帝曰妖星者五行之氣五星之變如見其方以

為災殃各以其日五色占之知何國吉凶決矣

以見無道國失禮邦為飢水旱死亡之徵也

凡妖星所出形狀不同為殃如一其出不過一年

若三年必有破國屠城其君死亡天下大亂兵

戈行戰死於野積屍縱橫餘殃不盡為水旱兵

飢疫疫之殃

石氏曰妖星之狀不相類其殃一也其出不過三
月必有破國亂君伏屍其辜殃之不盡當有水
旱飢饉兵革疾疫暴急遲緩度之遠近淺深也
甘氏曰凡妖星出見長大災深期遠短小災淺其
近三尺至五尺期百日五尺至一丈期一年一
丈至三丈期三年三丈至五丈期五年五丈至
十丈期七年十丈以上期九年以審遠近長短
定災必應

天棓

河圖曰歲星之流為天棓

甘氏曰天棓本類星末銳長四丈一名覺星

班固曰歲星羸而東南

孟康曰歲星見東方行疾則不見不見則變為妖
星也

石氏曰見彗星不出三月乃生彗本類星末類彗
長二丈盈而東北

石氏曰見覺星不出三月乃生天棓本類星末銳

長四丈

春秋緯曰天棊主滅兵

潛潭巴曰天棊主奮爭 河圖曰分爭

甘氏曰天棊出其國凶不可舉事用兵期三月必有破軍拔城人君伏其罪天棊見女主用事其本者為主人

潛潭巴曰棊槍出仲孟芒交若相培宰相伐主天下大乱

天槍

河圖曰歲星之精流為天槍

合誠篇曰天槍主捕制

春秋緯曰歲星退而其南三月生天槍陽既變萌戰乱兵行諸侯大橫所見國無兵用

班固天文志曰歲星縮而西南

孟康曰歲星當伏西方行遲早沒變為天槍也見則大兵喪出西方長二丈曰天棊主捕制石氏曰見棊雲如牛天棊主殺伐見則兵起民流甘氏曰不出三月乃生天棊左右銳長數丈赤色

縮西北其出不過三月必有破國亂君死屍
石氏曰見槍雲如馬枯骨藉藉

甘氏曰不出三月乃生天樛本類星末銳長丈
河圖曰天槍主改修一日樛白小而穀動出其下
人相換

甘氏曰天槍在西北本類星末銳一丈見則女主
有用事者其本為主人

巫氏曰天槍出國有功

郝萌曰歲星與日月同宿八十日乃生天槍槍出

婆女至胃為天槍

天猾

河圖曰歲星之精流為天猾

春秋緯曰天猾至招亂者人主自恣不修古王之
道逆天暴物則天猾起如象馬聞於邦地羅循
日反光

天衝

河圖曰歲星之精流為天衝

劉向曰天衝其狀如人蒼衣赤首不動名曰天衝

潜潭巴曰天衝戒位

運斗樞曰衝星出臣謀主武卒廢天子亡

天衝抱極泣帝前血濁霧下天下究

抱猶向也極北辰也泣言淚衆也帝大帝即紫

微也血濁如霧霧濁如血

國皇

河圖曰歲星之精流為國皇

運斗樞曰機星散為國皇

巫氏曰國皇之星大而赤類南極老人星也

合誠圖曰國皇主內寇一曰主內難

春秋考異部曰國皇星見則兵起天下急

巫氏曰國皇星入所見其下起兵兵強其衝不利

石氏曰國皇星入天庫兵起亡地

荆州占曰國皇入紫宮國有大變兵起得地

又曰主有憂

漢靈帝光中年間國皇星見東南角去地二三丈

如炬火狀十餘日不見占曰為內亂外內有兵

喪其後黃巾賊張角燒州郡朝廷討平之斬首

十餘萬中平宮車晏駕後有董卓袁紹之亂皆
自內發

反登

河圖曰歲星之精流為反登

春秋緯曰反登主夷分皆少陽之精司徒之類青
龍七宿之域有謀反若恣虐為害主失春政者
少出特衝為期皆主君徵也

析旦

河圖曰熒惑之精流為析旦或曰昭旦

春秋緯曰析旦主弱符析旦橫出濁百尺為相誅
戒

蚩尤旗

河圖曰熒惑之精流為蚩尤旗

運斗樞曰旋星散流為蚩尤旂

按皇覽塚墓記曰蚩尤塚在東郡張縣闕鄉城中
高七丈民常十月祠之有赤氣出如絳帛民名
為蚩尤旗

述征記曰須昌縣闕鄉有蚩尤塚或亡上代民以

十月旦祀之輒有赤氣如一尺緯謂蚩尤旂也
漢武帝建元六年元狩四年並有長星見班固五
行志曰為蚩尤之旗也

說苑曰蚩尤旗五星盈緒之所生也

巫氏曰蚩尤之旗類彗而後曲衆旂

夏氏曰四望無雲獨見赤雲蚩尤旗也

荊州占曰蚩尤星如旂旛可長二三丈末有星

呂氏春秋曰亂國之主衆和並積有雲若蘆而長

黃上白下其名曰蚩尤旂

春秋緯曰蚩尤旗誅逆國

合誠圖曰蚩尤之旂出平四野河圖提曰帝將怒

則蚩尤旂出論語摘輔象曰虐王反度則蚩尤

旂出雜書曰旂判旂主備臣邊雄候之賢主過

出兵馬驚

黃帝曰蚩尤旂本類星而後曲其象旂旛長二三

丈見則王者鼓旂大行征伐四方兵大起不然

國有大喪王者亡期三年中五年遠七年

蚩尤旂出北斗長二三丈本有星其上委曲見

則天下亂大兵起天子自將兵旂鼓用不然國
有大喪期百八十日中一年遠三年

春秋緯曰蚩尤之旂見則山崩

蚩尤之旗五精離芒天運大兵垂其彗後曲而
前長四方並亂天下威兵群猾帝座於堂見
則五寇行主不正暴軍有反兵期五年天下憂
不以亡則九年凶加於斗宿天子囂置出於列
位勉正四方

蚩尤伐矜誅逆滅患蚩尤起天下之兵合禍紛紛

渚潭巴曰蚩尤之旂主伐叛又曰主惑亂

運斗樞曰蚩尤之旗見則山崩后族擅權蚩尤旂

于太微法式滅帝死於野

考異郵曰蚩尤旂見則王者代枉逆

鈞命決曰旂刺瘳咄咄出匿謀合旂蚩尤旂也

夏氏曰蚩尤旗所見之方其下有兵天下盡有兵
都前曰蚩尤旂守軫赤哭禮

荆州占曰蚩尤旂見則兵大起不然有喪

昭明

河圖曰熒惑之精流為昭明

荊州占曰鎮心之變為昭明也

黃帝曰昭明者五星之變出於西方名曰昭明全
之氣也

合誠圖曰彗分為昭明昭滅光也

滅主光明

象如太白

吐芒故以為起霸之徵期七年

運斗樞曰機星散為昭明

黃帝曰西方有星望之去地可丈而白有光其類

太白數動察之中赤是謂西方之野星名昭明

出之兵大起其出之野下有喪出南則西方却

有失地

又曰昭明星出入畢中有屠國者

河圖昭明蒂心太子三公殺主必成

洛書曰昭明見霸者生

運斗樞曰昭明有角亡徵

春秋緯曰昭明改德

合誠圖曰昭明所起期七年天子奪於州牧去所
出下發

考異部曰昭明星如太白不行見則國滅賢主立
潛潭巴曰昭明起有德

巫氏曰昭明所起國遷多變

西方有星若太白而有角目下視名曰昭明金
之精出則兵大起若守房心國有大喪必有屠
城昭明下則為天狗所下者大戰流血星出非
其方有兵衝則不利期不出三年

却萌曰昭明星見大人凶兵大起守心有喪見
虛西天下無兵兵起有兵兵罷大臣為謀

天官書曰昭明大而白無角乍上乍下

孟康曰形如三足几上有九彗上向也所出國起
兵多變

荊州占曰昭明出營室中大臣為亂無兵兵起有
兵兵器

司危

河圖曰熒惑之精流為司危

合誠圖曰白彗之氣分為司危司危平非也以為
乘事之數

運斗樞曰機星散為司危

孟康曰司危星大而毛兩角

荆州占曰司危類太白數動察之赤

洛書曰司危出強國盈

潛潭巴曰司危主擊強候兵也

合誠圖曰司危如太白有角有口以為車車之微

見則主失法期八年豪傑起天子以不義失國

有声之臣行王德声名称也

考異類曰司危見則其下國殘賊

天官書曰司危出西方之野星去地可六七丈而

白類太白見兵起強出非其方下有兵冲不利

荆州占曰司危出則兵起其下為喪

天摠

河圖曰熒惑之精流為天摠

春秋緯曰歲星退如西北三月生天摠

却前曰星出其狀白小數動是謂摠星一名斬星

孫炎曰摠槍妖星之别名也

尹子曰彗星為摠槍也

潛潭巴曰天換生煞時

甘氏曰天換出西南長教丈左右鏡出而易處天
換見主用事者其本為主人

巫氏曰天換出其國內亂

京房曰天換出其下相讒為亂為兵赤地千里枯
骨籍籍

鄒萌曰天換星出即出兵起於東方國邑鄉皆然
班固天文志曰天換出為兵喪

河圖曰太陽之精赤烏七宿域有謀反者若心虐

為害主灾憂故者其如占皆以類名之也

五殘

河圖曰鎮星之精流為五殘主奔亡

合誠圖曰蒼彗散為五殘如辰星出角陽失德故
失生角五殘者乃敗殘也為殘毀頽敗之徵也
主乖傷敗亡之兆也

宋均曰五殘五分彗一本而五枝也其九年奸興

三九二十七年亂大不可禁一曰五鋒

黃帝曰五殘者五行之變出於東方名曰五殘本

之氣也

巫氏曰五殘星出正東方之野星狀類辰星可去
地六七丈大而白

都萌曰五殘兵星也

黃帝曰東方有星望之去地可六丈大而赤察之
中青

孟康曰星表青氣如暈有毛其類歲星是謂東方
之野星名五殘出則兵大起其出也下有喪北
出則東方邦失地

河圖曰五殘出則宰司馬之輩萌四藩虛天子有
急兵

洛書洛罪級曰五殘六賊出禍合天下逆侵閔樞
雒書兵鈴勢曰五殘起野亂五鋒星出翼白帝之
亡也

尚書運期授曰白帝亡也五殘出

考異郵曰五殘倫急見則主誅政在伯

都萌曰五殘見則國殘起奔繫亡

天官書曰五殘所出其非方為其下有兵衝不利

荆州占曰五殘大而赤數動察之而青出則兵起
其下有喪

六賊

黃帝曰六賊者五行之炁出於南方名曰六賊火
之氣也

孟康曰六賊星形如彗南方有星望之去地六丈
赤而數動察之有光其類熒惑是謂南方之野
星名曰六賊出則兵起其國亂其出也下有喪
出東方則南方邦失地出則禍合天下侵逐

閔樞

巫氏曰六賊見出正南方去地可六丈大而赤數
動有光

天官書曰六賊星所出非其方為其下有兵衝不
利形如彗白色長四十丈太白之精出則大亂
獄漢

河圖曰填星之精散而為獄漢

運斗樞曰權星散為獄漢一名咸漢

天官書曰獄漢出正北北方之野星去地可六丈
大而赤數動察之中青孟康曰獄漢青中赤表

下有三星縱橫

合誠圖曰獄漢主逐王

潛潭巴曰獄漢主刺王

黃帝曰北方有星望之可去地六丈大而赤數動
察之中青黑其類辰星謂北方之野星名咸漢
出則兵起其出也下有喪出西北則北方之邦

天失地

洛書兵鈐勢曰獄漢動諸侯驚

運斗樞曰獄漢出陰精橫逸

天官書曰獄漢星所出非其方為其下有兵冲不

利也

荆州占曰獄漢出則兵起為其下有喪

天賁

河圖曰填星之精散為天賁天賁出主暴衝也

炤星

紹字再考

河圖曰填星之精散為炤星炤星主滅邦又主滅

彗星

甘氏曰彗星出東南本有星末類彗所當之國是

受其殃兵乱

京房曰彗星三角三年消五角五年消七角七年消九角九年消一曰彗星本類星末可一丈其尖下垂状如毛拂見則兵大起天下乱強臣謀主有走王

機星

機星状如炬火炎上衝漸高而順瀆見者則天下大乱
折旦昭旦橫出濁百尺

天猶如衆馬閉躍曰反光

荆州占曰妖星出中于虛危之間其状如木其本有四角此辰星之精也見則兵起大水其下多死傷

大唐開元占經卷之第八十五卷終

大唐開元占經卷之八十六卷

旬始

河圖曰填星之精散為旬始

運斗樞曰樞星散為旬始

說苑曰旬始五星盈縮之所生也

廣雅曰旬始妖氣也徐廣曰旬始蚩尤也

巫氏曰旬始出于北斗旁狀如雄鷄其怒青黑象

伏蠶李音曰怒當為帛音灼曰帛雄也或曰怒

則青色樓司馬長卿大人賦曰旬始以為攝身

按彗星而為鬣為此星也

春秋合誠圖曰黃彗分為旬始旬始者令起也狀如雄雞土舍陽以文白接精象雞故以為立主之題十年聖人起伏宋均曰接理也題識也土舍陽炙文采故其氣理為雞取其和時土數十也或作七旬始主步兵

潛潭巴曰旬始主招橫

考異都曰旬始主亂其下必有滅亡五姦爭治暴骨積尸以子續食則臣亂兵作諸侯為虐

黃帝曰常以戊戌日

巫氏曰戊巳日視五車中有奇恠曰旬始如鳥有喙而見者明則大兵起攻戰當其首者破死欲與之左右勿逆旬始見天庫內及中所向者兵不能當旬始見北斗聖人受命天子壽主者有福

文曜鉤曰見行北斗旁期六十日大兵起上將軍出帝自臨兵期不出年

春秋緯曰衆變並集旬始照天下有滅主五姦爭

治

運斗樞曰辟之失樞旬始出于五諸侯

孝經章句曰有妖星在東井陰名曰旬始旬始出
主失國人井則霜

却萌曰旬始出建星水災並行邊境起兵者備水
盜賊

班固天文志曰旬始如彗見群猾橫盜

玄宜占曰有星狀如雄雉其色赤黃名曰旬始見
黃則天下有兵起國不寧期三年

石氏曰常以戊戌日視天庫中有旬始星狀如鳥
見者兵大起攻戰當其首者破與之左旋乃戰
當勿逆也

擊咎

河圖曰填星之精散為擊咎擊咎出臣弄主

一曰臣禁主主有大兵

文耀鉤曰擊咎守軫光耀百尺為相誅滅

河圖曰土之精斗七星之域以長四方八卦之內
司空之位有謀反若盜虛者期如上占

天相

河圖曰太白之精散為天相

石氏曰天相主擊殃

伏靈

河圖曰太白之精散為伏靈伏靈主領謬

韜萌曰伏靈出天下亂復治

大敗

河圖曰太白之精散為大敗大敗主開冲

韓揚曰大敗出擊咎謀

司姦

河圖曰太白之精散為司姦司姦主見妖

天狗

河圖曰太白之精散為天狗

黃帝曰天狗者五星氣合變出西南金火氣合名

曰天狗

孟康曰天狗星有毛旁有短彗下有如狗形者

三秦記曰麗山西有白鹿原周平王時白鹿出是

原原上有狗枷保秦襄公時有天狗枷來下民

保其上有賊天狗則吠而獲之故一保無患也
抱朴子曰有黑雲如牛馬入其軍者名天狗下食
血其軍必敗

廣雅曰天狗妖氣也

河圖曰天狗主候兵

春秋緯曰天狗主討賊天狗流五將鬪

石氏曰西有星長三丈而出水金之氣交名曰天
狗天狗所下之處必有大戰破軍殺將伏尸流
血天狗食之皆期一年中二年遠三年各以其

所下之國以占吉凶

荊州占曰西北三星大而白名曰天狗見則大兵
起天下飢人相食

秦州記曰乙弗韓歸獵於康狼州見天上如有十
丈餘長絳氣直下山川草木皆赤相氣者云天
狗下後遂破呂保也

郝萌曰西北有三大星出如日狀名曰天狗天狗
出人相食

一曰昭明下則為天狗天狗所下兵大起流血

伏尸流星墜地山野皆鳴群犬奔吠

和萌曰天狗其狀赤白有光下即為天狗其下小
有足所下之地必流血國易改

山海經曰金門之山有赤犬名曰天犬其所下有
兵

郭璞周書曰天狗所止地蓋頃餘光飛天為流星
長數十丈其疾如風聲如雷走如電吳楚七國
反將過梁野

洪範五行傳曰七國之兵戰于梁地故狗先降梁

壘以已見其象也狗者守圍之類天狗所降以
戒守圍

漢班固天文志曰漢文帝後二年八月天狗下梁
野是歲誅反者周殷長安市吳禁攻梁梁王堅
守積尸流血其下七年六月文帝崩

哀帝建平元年正月丁未日出時有氣著天曰廣
如一疋布長十餘丈西南維聲如雷西行一刻
所止名曰天狗傳曰言不從則有狗禍到其四
年正月二月三月民相驚動謹譁奔走傳行詔

禱祠西王母

兵書曰兩軍相望其上有雲氣如牛馬之狀頸俯尾仰名曰天狗勿與交兵大戰

荊州占曰天狗犯孤星大將有千里之行若貴人多死若日出時或夜中從天墜下大如椀如缶如火光炸而音如雷為天狗天狗出入溜間不出入列宿墜地者為天狗不墜地者為流星也

天殘

河圖曰太白之精散為天殘

春秋緯曰天殘主貧賤

卒起

河圖曰太白之精散為卒起卒起見禍無時

又曰諸變有萌者臣連柄卒起主虐亡河少陰之精大司馬類白虎七宿之域有謀反若虐害為害主失秋政者期如上占禍之應也

枉矢

河圖曰辰星之精散為枉矢

荊州占曰填星之精變為枉矢

說苑曰在矢之星盈縮之所生也

洪範五行曰在矢者弓弩之象也在矢之所觸天下之所伐滅亡之象也

巫氏曰在矢類大流星色蒼黑蛇行望之如有尾首毛角長數丈著天

合誠圖曰在矢主反萌黑彗公為在矢在矢者射星也水流蛇行含明故有毛角月陰合於四故長四丈水生木其怒青黑水滅火其精沉故以為謀反之徵在所流受者滅皆為天子之詳陰

道于六期六年萌二十四年天子以兵亡所已
議見起

春秋緯曰在矢主射愚 在矢流射所謀

河圖曰在矢東流天下恐

洛書曰在矢出憂滅

尚書中候曰憂傑桀無道在矢射人君和暴專已則在矢動

洛書說微示曰在矢射心山崩火燔宮室
洛罪級曰在矢射主以兵去

易緯辨終備曰枉矢流隱謀合國難逃

詩含神務曰枉矢流天降喪亂白之亡枉矢流

尚書運期曰白之亡也枉矢射參

尚書緯曰枉矢流天射王

春秋緯曰黃之亡有枉矢下流到地上屬天下以

兵亡天子凶枉矢芒臣不忠民下良在矢或東

或西五谷不升民有流亡

潛潭巴曰枉矢或南或北無聚眾伐敵國枉矢守

虛卑國以實尊國虛

枉矢守鎮星民多事其大臣也黃德昌枉矢黑

軍士不勇疾流腫

運斗樞曰枉矢出射所誅黃帝行矢則枉矢出射

所謀謀易失樞之主故以枉矢射之

春秋考異郵曰枉矢見則謀反之兵合枉矢西流

射伐秦以亡

漢含孽曰枉矢流主見射

春秋佐助期曰枉矢流射黜滅不祥

孝經鉤命決曰孔將 枉矢出

援神契曰枉矢射逐謀強

論語摘輔象曰虛王合度則枉矢合

海中占曰枉矢類流星望之有毛角長可一疋布
皎皎着天見則大兵起大將出弓弩用期三年
石氏曰枉矢射心地陷脩虛狼

却前曰枉矢出東井邊境起兵火災並行受者脩

火盜賊枉矢射參秦以亡一日帝以亡

說苑曰秦二世立枉矢夜光

班固天文志曰枉矢所觸天下之所伐射滅亡之

象也枉矢流以亂伐亂

項羽救鉅鹿枉矢西流占曰枉矢所觸天下之所
伐射滅亡象也物莫直于矢今蛇行不能直矢
而枉者執矢者亦不正以象項羽執政亂也羽
遂合漢灌坑秦卒二十萬入晉咸陽

破女

河圖曰辰星之精散為破女破女君臣皆誅破女
主勝之符

拂櫃

河圖曰辰星之精散為拂樞拂樞動亂駭擾無調
時拂樞主制時

滅賢寶

河圖曰辰星之精散為滅寶滅寶起相得之滅寶
主伐之

繞緹

河圖曰辰星之精散為繞緹主亂孽

驚懼

河圖曰辰星之精散為驚懼主相署

大奮祀

河圖曰辰星之精散為大奮祀主招和

韓揚曰大奮祀出主安之

河圖曰太陰之精玄武七宿之域有謀反若恐虐
為害主失冬政者其如上占禍應之

春秋緯曰五精潛潭皆以類逆所犯行失時指下
臣承類者乘而害之皆滅亡之徵也入天子宿
主滅諸侯五伯謀

天鋒

春秋合誠圖曰天鋒主縱橫

宋均曰天鋒彗象矛鋒也天下縱橫則天鋒星見
亂臣戮死

燭星

石氏曰燭星狀如太白其出也不行則見不久而
滅所出邑反

孟康曰燭星上有三彗上出

甘氏曰燭星出東方其所出者兵不勝出南方有
兵王者亡地出西方其国有喪兵勝出北方其

所出者兵勝

天官書曰燭星所燭者城邑亂

荆州占曰燭星青有憂事不吉赤有爭事黃有益
事白有勸爭

漢孝昭五年四月燭星見奎婁間占曰有土功胡
人死邊城和六年築遼東玄菟郡二月度遼將
單范明友擊烏桓還

蓬星

荆州占曰蓬星一名王星狀如夜火之光多即至

四五少即一二一日蓬星在西南修長數丈左
右銳出而易處

聖治符曰有星其色黃白赤不過三尺名曰蓬星
見則天下道行士當有出者布衣之士貴天下
太平五谷成人民寧期一年遠二年

甘氏曰蓬星出地中諸候有奪地以地亡有兵起
星所居者期不出三年

荀萌曰蓬星出太微中天子立王期不出三年

班固天文志曰漢昭帝元始中漢官者梁成恢友

燕王候星者吳莫如見蓬星出西方天市東門
行過河鼓入營室中成恢曰蓬星出六十日不
出三年下有亂臣戮死于市

荊州占曰蓬星出北斗魁中王者坐賊死大臣諸
候有受誅者蓬星出見於東方東南東北不大
旱則大水五穀不收糴貴十倍人相食蓬星出
司命王者疾死

韓揚曰蓬星出北斗中大臣諸候有受兵者
孝景三年六月壬戌蓬星見西南在房南去房可

二丈大如二斗器白色癸亥在心東北可長丈
許甲子在尾北可長丈丁卯在箕北近北近漢
稍小且去時大如桃壬申去凡十日占曰蓬星
出必有亂臣房心間天子宮也是時梁王欲為
漢嗣使人殺漢爭臣袁盎漢誅梁大臣斧鉞用
梁王恐入閔伏斧鉞謝罪得免

出長庚

司馬遷曰及天官書云長庚如一足布著天見則

兵起

此長庚非西之長庚也

四填

巫氏曰四填星出四陽去地六丈餘

司馬遷云去地可四丈

荆州占曰四填星大而赤去地二丈當以夜半子
時出之四填星見十月而兵起

地維藏光

黃帝曰地維藏光者五行之氣出於四季土之氣
也四隅有星望之可去地四丈而赤黃搖動其
類填星是謂中央之野星出于四隅名曰地維

臧光出東北隅天下大水出東南隅天下大旱
出西南隅則有兵起出西北隅則天下亂兵大
起

荆州占曰有星出大而赤去地二三丈如月始出
是謂地維臧光

天官書曰地維臧光見下有亂者亡有德者昌

女帛

黃帝曰女帛者五星氣合之變出東北木水之氣
合之

石氏曰東北有星長三丈而出木水氣變名曰女
帛主天下有大喪兵起

荆州占曰東北有有星長三丈星出名曰女帛主
有大喪

盜星

黃帝曰盜星五星氣之變出東南木火氣合也

石氏曰東南有星長三丈而出木火氣之變也名
曰盜星

荆州占曰東南有三星出名曰盜星見則天下有

大盜多寇賊 一日谷貴十倍

積陵

黃帝曰積陵者五星氣合之變出西北金水氣合石氏曰西北有星長三丈而出金水氣合名積陵荆州占曰有三大星出金水氣交名曰積陵見則其下隕霜兵水並起五穀不成人民大飢天下穀貴十倍

瑞星

黃帝曰瑞星者五星氣合之變出之與金木水火

合於四隅也

石氏曰四隅有星大而赤察之中黃教動長可四丈此土之氣効於四季名曰四隅瑞星所出兵大起有土功正月出十月起兵二月出十一月起兵三月出七月起兵四月出九月起兵皆期三年中五年遠七年

昏昌

黃帝曰有星出西北氣青赤以環之中赤外青名曰昏昌見則天下兵起國易政先起者昌後起

者亡高十丈乱一年高二丈乱二年高三十
丈乱三年

華星

甘氏曰有星出西北状如環名曰華星見西南諸
侯有失地西北国

白星

却萌曰有知星非星状如削瓜有勝兵名曰白星
出為男喪

菟昌

石氏曰西北菟昌之星其有青赤氣環之有殃青
為水此星見天下易

格澤

黃帝曰格澤者炎火之状

天官書曰格澤星也上黃下白從地而上下大上
銳見則不種而獲不有土功必有天客隣国来
者其一年遠二年

廣雅曰格澤妖氣也

擇音宅

玉曆曰格擇氣赤如火炎炎衝天上下同色東西

巨天若于南北長可四五星此熒惑之變見則
兵起其下伏尸流血期三年

歸和

和音能

巫氏曰如星非星如雲非雲名曰歸和

孟康曰有兩赤彗上向上有蓋狀如氣下連星曰

歸和

天官書曰歸和見必有歸國者

濛星

肅子顯晉書曰明帝大明三年十二月夜有赤氣

如牙旂長短四面而南最多

天文占曰此為濛星一曰刀星兵亂之象

宋孝武大明三年正月夜適天薄雲四方生赤黃

氣長三尺乍沒乍見尋皆消滅占之曰名濛星

一曰刀星天下兵戰聞流血

又大明七年正月夜有通天薄雲四方合之有

八氣蒼白色長二三尺乍見乍隱亦名濛星占

之曰天下有兵

大唐開元占經卷之第八十六卷終

大唐開元占經卷之八十七卷

孝經雌雄圖三十五妖星占

天垣星在角宿中出月左旁方曰在甲寅歲星將出
而不出其與日合二十日其未出二日必有灾
有雲蒼赤黑色三物歷日之見光色青有雨若
青雲在其旁出而生天垣之星所指之國消主
死正星變色而青期三年

天樓星在亢宿中出月左方曰在甲寅歲將出而
不出其與日合三十日其未出三日必有災雲

蒼赤黑色三物厭日之光青色之星有兩青方
在其旁出而生天樓之星長八十尺所指之國
穀大貴法星变色而青期三年

天孫星在氐宿中出月左方日在甲寅歲星將出
而不出其與日合四十日其未出四日必有災
雲蒼赤黑色三物厭日之光青色之星有兩青
方在其旁出而生天孫星長十丈所宿之國有
立王令星变色而青期三年

天根星在尾宿中出月左方日在甲寅歲星將出
而不出其與日合七十日其未出七日必有災
雲蒼黑色三物厭日之光青色之星有兩青方
在其旁出而生天根之星所指之國亡地戰敗
危星变色而青期三年

天槍星在箕宿中出月左方日在甲寅歲星將出
而不出其與日合八十日其未出八日必有災
雲蒼赤黑色三物厭日之光青色之星有兩青
方在其旁出而生天槍之星長數丈所指之國
有兵大軍破應星变色而青期一年

大德堂
端下星在斗宿中出月左方日在壬寅辰星將出
而不出其與日合二十日其未出二日必有災
雲黑黃青色三物厭日之光黑色之星有兩黑
方在其旁出而生端下之星所指之國大破將
死正星变色而黑期六月

商若星在牛宿中出月左方日在壬寅辰星將出
而不出其與日合二十五日其未出二日必有
災雲黑黃青色三物厭日之光黑色之星有兩
黑方在其旁出而生滴若之星所指之國大水

敗兵起星長三四尺彗星变色而黑期一年

天杵星在女宿中出月左方日在壬寅辰星將出
而不出其與日合三十六日其未出三日必有
災雲黑黃青色三物厭日之光黑色之星有兩
黑方在其旁出而生天杵之星長七八尺所指
之國軍敗將死令星变色而黑期一年

天麻星在虛宿中出月左方日在壬寅辰星將出
而不出其與日合三十五日其未出三日必有
災雲黑黃青三物厭日之光黑色之星有兩黑

方在其旁出而生天麻之星長七八尺所指之
國破亡煞星變色而黑期六月

天杖星

一本作
天社

在危宿中出月左方日在壬寅辰
星將出而不出其與日合四十日其未出四日
必有災雲黑黃青色三物厭日之光黑色之星
有兩黑方在其旁出而生天杖之星長十餘丈
勾曲所指之國兵主死伐星變色而黑期二年
天棊星在室宿中出月左方日在壬寅辰星將出
而不出其與日合四十日其未出四日必有災

雲黑黃青色三物厭日之光黑色之星有兩黑
方在其旁出而生天擗擗之星長五六尺所指
之國破亡危星變色而黑期三年

天英星在璧宿中出月左方日在壬寅辰星將出
而不出其與日合五十日其未出五日必有災
雲黑黃青色三物厭日之光黑色之星有兩方
在其旁出而生天英之星長十丈所指之國破
軍亡地應星變色而黑期三年

白禧星在奎宿中出月左方日在庚寅太白將出

大德堂
白而不出其與日合十日其未出一日必有災雲
白赤黑色三物厥日之光白色之星有兩白方
在其旁出而生白籀之星所指之國亡地主死
正星变色而白期一年

轅星在姜宿中出月左方日在庚寅太白將出而
六不出其與日合二十日其未出二日必有災雲
白赤色三物厥日之光白色之星有兩白方在
其旁出而生轅星所指之國亡必有大喪有水
災法星变色而白期一年

冀星在胃宿中出月左方日在庚寅太白將出而
不出其與日合三十日其未出三日必有災雲
白赤黑色三物厥日之光白色之星有兩白方
在其旁出而生冀星長十餘丈所指之國內亂
令星变色而白期一年

林若星在昴宿中出月左方日在庚寅太白將出
而不出其與日合四十日其未出四日必有災
雲白赤黑色三物厥日之光白色之星有兩白
方在其旁出而生林若之星長十丈所指之國

破亡死喪煞星变色而白期一年

若彗星在畢宿中出月左方日在庚寅太白將出

而不出其與日合五十日其未出五日必有灾

雲白赤黑色三物厥日之光白色之星有兩白

方在其旁出而生若彗之星長七八尺所指之

国内乱亡地伐星变色而白期三年

彗星在甯宿中出月左方日在庚寅太白將出而

不出其與日合六十日其未出六十日必有灾

雲白赤黑色三物厥日之光白色之星有兩白

天方在其旁出而生彗星長四尺所指之国内乱

亡地危星变色而白期六月 一云六年

若星在參宿中出月左方日在庚寅太白將出而

不出其與日合七十日其未出七日必有灾雲

白赤黑三物厥日之光白色之星有兩白方在

其旁出而生若星所指之国内大敗戰不勝應星

变色而白期二年

蚩尤星在井宿中出月左方日在丙寅熒惑將出

而不出其與日合三十日其未出三日必有灾

雲赤青黃色三物厭日之光赤色之星有兩赤
星方在其旁出而生蚩尤星長十七丈其下有
大戰正星色變而赤期二年

赤若星在鬼宿中出月左方日在丙寅熒惑將出
而不出其與日合四十日其未出四日必有災
雲赤青黃色三物厭日之光赤色之星有兩赤
方在其旁出而生赤若之星其下有流血戰敗
法星變色而赤期二年

天雀星在柳宿中出月左方日在丙寅熒惑將出
而不出其與日合五十日其未出五日必有災
雲赤黃色三物厭日之光赤色之星有兩赤方
在其旁出而生天雀之星所指之國敗亡今星
變色而赤期三年

天惑星在星宿中出月左方日在丙寅熒惑將出
而不出其與日合六十日其未出六日必有災
雲赤青黃三物厭日之光赤色之星有兩赤方
在其旁出而生天惑之星三角長三尺其下旱
有兵起所指之國亡然星變色而赤期二年

官張星在張宿中出月左方日在丙寅熒惑將出
而不出其與日合七十日其未出七日必有災
雲赤青黃三物厭日之光赤色之星有兩赤方
在其旁出而生官張之星三角而勾所指之國
主死亡伐星变色而赤期一年
晉若之星在翼宿中出月在左方日在丙寅熒惑
將出而不出其與日合八十日其未出八日必
有災雲赤青黃三物厭日之光赤色之星有兩
赤方在其旁出而生晉若星所指之國破亡危

星变色而赤期三年若四年
天陰星在軫宿中出月左方日在丙寅熒惑將出
而不出其與日合九十日其未出九日必有災
雲赤青黃色三物厭日之光赤色之星有兩赤
方在其旁出而生天陰之星所指之國亡應星
变色而赤期三年

折若星_{一云}出月左方日在戊寅鎮星將出而不
出其與日合四十日其未出四日必有災雲黃
赤色三物厭日之光黃色之星有兩黃方在其

旁出而生折若之星長五尺所指之國亡正星
变色而黃期六年

天樞星出月左方日在戊寅鎮星將出而不出其
與日合五十日其未出五日必有災雲黃赤青
色三物厭日之光黃色之星有兩黃方在其旁
出而生天樞之星所指之國兵起法星变色而
黃期三年

天翟星出月左方日在戊寅鎮星將出而不出其
與日合六十日其未出六日必有災雲黃赤色

三物厭日之光黃色之星有兩黃方在其旁出
而生天翟之星四角而勾中央有星長四尺五
尺所指之國小敗令星变色而黃期二年或三
年

天樞星出月左方日在戊寅鎮星將出而不出其
與日合七十日其未出七日必有災雲黃赤青
色三物厭日之光黃色之星有兩黃方在其旁
出而生天樞之星三角而勾所指之國戰敗殺
星变色而黃期一年若二年

天從星出月左方日在戊寅鎮星將出而不出其
與日合八十日其未出八日必有災雲黃赤青
色三物厥日之光黃色之星有兩黃方其在傍
出而生天罰之星所指之國中戰大敗危星變
色而黃期五年

天社星出月左方日在戊寅填星將出而不出其
與日合百日其未出十日必有災雲黃赤青三
色三物厥日之光黃色之星有兩黃方在其傍
出而生天社之星天下大亂所指之國亡應星

天宮
變色而黃期一年

大唐開元占經卷之八十七卷終

大唐開元占經卷之第八十八卷

彗星占

候彗孛法

黃帝曰候彗星之法當以五寅之日視瓮中水見
兩方氣之五色相象而言之其彗星之出以甲
寅日見日傍有青方氣此歲星之精將欲為彗
以丙寅日見赤方氣在日傍此熒惑之精將為
彗以五色氣候知之則五星將欲為彗之變先
見其氣後見其彗彗見而長天子死五都亡賤

人昌無道之君受其殃期不出三年
石氏曰候彗災應之法各以十二辰所出之地名
屬相連衝破之下當有兵誅假令彗星出室壁
而依戌地奎婁魯分室壁衛地亥分尾箕燕分
寅地角亢鄭分餘皆倣此

巫氏曰歲星行東南六十日不還以初六日期六
月彗出行東北六十日不還以初去六月楛星
出行西北六十日不還六月換星出行西南六
十日不還以初去日六月搶星出乍東乍西乍

南乍北天下亂君伏死其辜餘殃不盡當為飢
旱疾之災其星曰行一百二十日而入此彗星
之行也

文穎注漢書曰彗孛長短三星其占畧同然其形
象小異孛短其光四出蓬蓬孛孛也彗其光芒
長參參如掃彗長星其光芒有一直指或竟天
或十丈二三丈無常也大法孛彗星多為除舊
布新政易君王亦為火災長星多為兵革

淮南王傳曰建元六年彗星見王心怪之或謂王

彗曰先吳軍時彗星長數尺然尚流血千里今彗
星長竟天兵當大起王心以為上無太子天下
有變諸候並是愈益治攻戰具遂謀反
黃帝占曰彗星出見本類星長可三四尺其炎炎
如氣黃白字字然名曰孛星見則天下兵起臣
文謀其主必有亡國期不出三年
彗星出見本類星長可一丈其炎頭散下垂狀如
毛毳名曰拂星見則天下亂大兵強臣有謀有
走王其君失地近一年中二年遠期五年

彗星見長可二丈至三丈形如竹木枝條名曰掃
星三丈以上至十丈名曰彗星彗掃同形長短
有差殃災如一見則掃除凶穢必有滅國臣弑
其君大兵起國易政無道之君當之期三年中
五年遠九年

石氏曰掃星者逆氣之所致也形如掃帚枝條長
短若彗星之形出居二十八宿及中外官或三
七日或三十日或五十日常不滅彗孛出而即
滅掃除凶故布新故言掃星

董仲舒曰孛星者彗星之屬也

偏指曰彗芒氣四出曰孛孛者勃勃然也謂之孛者言其暗昧不明之貌也
一說曰孛即彗也彗星所蔽為孛

春秋言孛星者皆彗蔽也

齊景公三十二年彗星見景公坐柏寢歎曰堂堂誰有此乎群臣皆泣晏子笑公怒晏子曰臣笑群臣諛甚景公曰彗星出東北當齊之分野寡人有憂晏子曰君高臺深池賦歛如弗得刑罰

恐弗勝孛星將出彗何懼乎景公曰可禳否晏子曰使禍可祝而來亦可禳而去百姓若怨以萬數而君令一人禳之安能勝衆口乎推此則孛之為災踰于彗也

劉向曰孛星者勃勃然非常惡氣之所生也內不有大亂則外有大兵其所以孛孛受者亂之象也不明之象又參然孛馬兵之類也故聖人取名曰孛孛者猶有所妨蔽有所傷害也

荊州占曰彗星其象如竹彗樹木枝條長短不常

黃帝曰彗星出行犯守外舍當先知順逆入宿淺
深去之遠近守速觀其五色察其動靜及以喜
怒拂變色皆為殃咎守之去速災輕守之久留
災重各隨所在之宿命其國以占吉凶
彗孛所生歷百日以上期三年百五十日以上期
五年二百日以上期七年

彗星出見其國大人已見一旬期三年見三十日
將當之期三年見五十日相當之期五年見七十
十日人主當之期七年若九年災必應之矣

春秋緯曰諸彗星出內官皆為內謀曝骨將死
尸滿野谿血流千里出外官不加內官福付小起
巫氏曰彗星入宿守外官者各以其所部舍官名
占之其下之國皆受其禍以所守之舍為其期
以五氣相賊者為其殃

海中占曰彗長三尺以至一丈期三月若十月一
丈以至三尺期七年十丈以上期九年
荊州占曰彗見大災深大其短淺為災小
黃帝曰彗星者所以除舊布新掃滅凶穢其象若

竹彗樹木之枝條長大而見期遠，穴深短小而見則穴小，期近皆為兵飢水喪亡國之殃。

始皇之時十五年間彗星四見，久者八十日長，或竟天，後秦遂以兵內兼六國外攘四夷，其死人如麻。

洛書曰：彗星出，楚骨梢。

春秋孔演圖曰：彗星出，則國樞極。

彗星東出，長八丈，天下更政。

文曜鉤曰：彗星孛填街塞路，九州粉擊，庶人為主。

運斗樞曰：彗見星後，曲象旗，則王者伐枉逆。

星之孛，臣威孽，戒兵移，擊國謀。

春秋保乾圖曰：星孛備強國，黜出所欲。

星孛兵謀變。

石氏曰：彗星出而長，名曰白旗，喪氣也。當視旗之所指，掃之衝破之下，必有兵喪其國，滅亡大人。受殃各以衝五為期，前五為近期，衝破而為中。期後五為遠期，皆不過五七九年，災必應矣。掃出狀如小木，白色，長三丈，星見居四維，此謂

為謀若有黑色則天下寇盜蜂起

天吊星狀如木色白長三丈星居四維有叛逆為

謀者其歲兵發人主惡之

掃出狀如直竹長二三丈其尾銳白色皆謂天

下喪天子死國亡朝中不慶諸侯死

掃出狀如直竹長二三丈赤色尾銳此謂出急

春令兵戰以見諸侯不德

掃出諸侯有誅皆在其國受殃指亦然

蓬蓬掃出見者飢有兵亡地四方蓬掃出其狀如

蓬本類太白蓬長三丈指樂掃見兵起大亂蕪

掃見者未嫁就蒲掃見兵起于師上軍戰不勝

杵掃見狀如杵其尾如掃長二三丈大將兵起

及人主凶亡竹掃見為兵

甘氏曰彗帚見則女主有用事者其本為人主

彗掃水之精出而不過一年天下水及有飢星

所在宿其邦尤甚

彗星春夏出為飢水秋冬出為人主自將兵若

大喪春冬見為小凶夏秋見為大凶

彗星其枝條長為兵為喪短為水為飢期見一
旬准三個月

京房曰彗星出為兵飢臣下失中和故出彗孛掃
除更易之象

劉向曰彗星者天所以去無道而建有德者也

春秋昭公二十六年齊有彗星見齊侯使裨之晏

子曰無益也祇取誣也天道不諂不貳其命若
之何禳之且天之彗以除穢也君無穢又何禳
之有齊侯乃止

郝萌曰彗星短為飢為兵向下土功所見邦當之

荆州占曰彗星昏見其國受兵

五一日必亡國滅軍不然有主死

晉太康末長星見孝武心惡之夜在華林園中飲
酒因舉盃屬星曰長星勸你一杯酒自古何常
有萬年後帝尋崩

荆州占曰彗星出心有反者大兵起其國亂亡不
出一年天下大水其邦尤甚

又曰彗星見則敵國兵起得人者勝

尉繚子曰昔楚將軍城父公子心與齊人未合戰
其日辰彗星出柄在齊柄之所在勝不可擊之
公子心曰彗星何知以惑聞者明日與齊人戰大
破之

王曆曰彗星見出是謂天地相靡其分受兵必有
亡國若有死主期不出三年

巫氏曰彗星有見者皆是五星之象以其所出宿
以命五行之所屬之象若出于木宿歲星之象
出于火宿熒惑之象也出于土宿填星之象

也出于金宿太白之象也出于水宿辰星之象
也若見于二十八宿中外官变色揚芒怒而與
五合闢此皆大兵之徵破國之殃臣凌其君下
不伏上天下傾故致此殃審以五色察之以決
存亡之事也
海中占曰凡彗有色白黑為男主赤黃為女主皆
為人君女主死亡之殃

又曰彗星所主五星之變人君敗亡之徵
河圖曰蒼彗主滅不義少陽之精司徒之類蒼龍

七宿之域有起反若恣虐為害主失春政者以
出時衝為期皆主君之敗也大人滅
春秋緯曰蒼彗木精出賊而生芒主逆陽失天常
則日蝕消明此星出期三年五候破天下若兵
合誠圖曰蒼彗破神明

河圖曰黑彗主濯州太陰之精玄武七宿之域有
謀反若恣虐為害主失冬政者期如上占禍應
之入天子之宿主戒諸侯位五伯謀

春秋緯曰黑彗水精賊起則水決江河期二年其

出亦世以水害亡

水害者以類發難也四邊遠近以其禍行

河圖曰白彗主斬強少陰之精大司馬之類白虎

七宿之域有謀反若恣虐為害主失秋政者期

如上古禍應之

春秋緯曰白彗金精如鋒刃長四丈見則將軍逆

期二年兵作

又曰白彗主臣權故曰專權

河圖曰赤彗主戒五卿太陽之精也朱鳥七宿之

河之域有謀反若恣虐為害主失夏政期如上占
皆類名之

赤彗火精如火耀長七尺賊起強國恣虐期

三年

合誠圖曰赤彗滅五卿

河圖曰黃彗主女亂皆土精也七星之域以張四
方八卦之內司空之類有謀反恣虐為害者期

如上占

春秋緯曰黃彗如正見

正一本云
如重雲

則女主害危危

者失亡權政奪于后妃期一年彗星孛見四方

黃帝曰彗星出東方諸侯有起白者若有兵飢

河圖曰彗星出東方河水逆決將相代主有與天

子並治者

易坤靈圖曰彗自東方出蒼萌動功

感精符曰星孛于東方言陰奪陽臣伐主以兵相

滅以勢相乘天下易變帝位久空人人繼倖布
衣縱橫禍未定息主滅亂起陰動爭明之異也

春秋緯曰彗星出東方爭明光見金代蒼此皆天

子之異大小之類各應其邦

春秋運期授曰蒼帝亡地大亂彗東北

春秋保乾圖曰彗星東出君臣爭明

星茀于東方將軍謀主主有兵去代主治行天

子之權

巫氏曰彗星出東方其下廢兵與天子爭人主亡

京房曰星孛于東則骨肉欲篡近北邊國入于西

則大兵起蠻貊戰經東西方民病不救之則致

日蝕

荆州占曰彗星出東方將軍有謀人主者

黃帝占曰彗星出北方將軍有謀欲伐其主君臣

行不順而致

易坤靈圖曰彗星自北方出色黑萌動功

春秋緯曰彗者掃星出北方諸侯起伯

郝萌曰彗星出北方長八九丈勉功大小出天下

更治

石氏曰掃星在北狀如雞聖人受兵強國廢兵諸

侯爭權人主凶

黃帝占曰掃星茀出西方天下有兵夷狄大勝中

黃國大敗 彗星出西方天可休矣 災於大劫中

易坤靈圖曰彗星自西出白萌動功

運斗樞曰彗出西方如鉤長可四丈名曰天撓

巫氏曰彗星出西方長可二三丈名曰天槍受之

者其國亡有土功 具人以此文出於

荆州占曰彗星出西方命曰天格

漢宣帝地節元年正月有星孛于西方去太白二

丈占曰太白為大將彗孛加之掃滅之象也次

黃年大將軍霍光薨後二年夷滅 殆其主昌也

黃帝占曰彗掃星出南方天下大亂無有君主兵

飢大起

易坤靈圖曰彗星自南方出赤萌動功 彗星出天

石氏曰彗星出東南其本類星末類彗長可二三

丈至一丈名曰天槍受之者其國內亂兵起宮

中王者憂之

甘氏曰彗星出東南方狀如帚長一丈所受之者

其國有喪內亂

又曰彗掃出東南方其國大人死七十日主當

之五十日相當之四十日將當之

荆州占曰彗出東南長二丈以上為其國內亂

運斗樞曰彗星出東北命曰天棊

甘氏曰掃星見東北名曰天棊受之者其國君有

戮

石氏曰彗星出東北其本類星末類彗長可四五

丈若一丈名曰天棊受之者其國有戮死者大

臣貴人當之

黃又曰彗星出西北本類星末類彗可長四五尺

至一丈名曰天棊受之者其國大亂兵大起若

女主有憂若有大水其分民飢

巫氏曰彗星出西北其本類星末類彗長可二三

丈名曰掃星受之者其國兵大起將相有死者

邦易政人主有憂

又曰掃星出西南方有本類星末類彗長三丈

以上其國有土功

春秋緯曰彗星出中央正在人上命曰天罰受之

者其國有喪

石氏曰彗星出中央正在人上其本類星末類彗
長五六尺至一丈名曰天戈天下兵動人主亡
受之者其国有大喪人民飢亡凡五

彗星出見皆期三年中五年遠七年九年

荆州占曰彗星見中央正在人上長三四丈以上
其国内喪

魏志曰毋丘儉為鎮東都督日為揚州刺史文欽
善正元年正月有彗星長數十丈出西北竟天
起於吳楚之分儉欽喜以為已祥逆矯太后詔

罪狀大將軍司馬景王移諸郡國舉兵反

魏氏圖曰彗星去西南指海中兵起欲敗中國西

去而東指羗胡入界女子起兵殺人之次也南

去西北指天下人死將半北去而南指天下水

沒城郭地陷崩東行西指吳越兵大起得所出

國民排患也南行西北指者得柄之國其國大

豐西行東北指者塞外兵入國為大兵起北行

南指者其國中禍大起西北行東南指者國中

大惡為亂

孝經內記曰彗星東北行西南指者所出国中大
惡為亂也

雌雄圖曰彗星四出按番交橫如十字四尾並散
滿天下知之士就高而居之無知之士流為糞
土耕于山脅

兩彗俱見者天下一歲再赦一曰北向者一歲
再赦也

彗星圖曰蒺藜星出天下大旱赤地五百里草象
不生彗象見若有芒角狀如蒺藜有尾

大孝經內記曰二彗星起海內少男子

春秋元命包曰彗星四生滅六王

荊州占曰彗星四出竟天人主亡徵也

洛書曰五彗並出太白入午白虹貫天国有咎灾
人主修省刑法賦歛尚可國治

春秋緯曰五彗俱出者聖君起則獲麟執赤授紀
巫氏曰五彗俱出候稱王天下大亂兵起四方諸
候同謀人主亡有除舊布新之象掃去亮殃更
主明君天下大昌期百八十日遠一年

又曰五彗出東方人主坐之聖人起亦然

荆州占曰五彗俱出天下兵起人主亡

春秋緯曰彗星五芒禍之極矣劫之徵也

春秋考異補曰彗星之芒臨京都王以賞罰不行

偏任見犯

大唐開元占經卷之八十八卷終

書